



16
2763
2



門
2763
2



原序

聲韻之學用一生心於五字宋儒鄙不屑豈非以其爲之者達達其言是其人非與然按尙書所稱詩言志九叙惟謂是虞夏之世未嘗不以詩觀人古三百篇多忠臣孝子貞女良士之什嗣是離騷九章前媿猗蘭龜山二操鼎峙千古逮漢之子卿江右之靖節綽有古風雅之遺焉蓋其人儼然聖賢之徒本諸天懷溢爲文詞無異於絺章揆藻而鬱勃薰涵砭人性情俾聞言而足以戒且勸匪規規名一技之奇也自唐以詩制科疲一切才士精力於風雲月露間法愈嚴體愈工而去古詩愈遠學術浸以僞以駁宜

易忠節公遺集 卷三

昭和十一年
三月十一日
購求

乎王氏有絕根之議也迺當時工部謫仙兩公猶能不因尺幅噴膈嘔心悉其忠國憫時之隱於古風長短歌行之調雖其人行介純疵而一往抗壯之致已足令誦其文者想見其人又况於撐柱千百年正氣如文文山之指南集杜諸篇乎吾師楊文正文山之再唱也升以楛材幸得從游親炙其生平言論風裁與學術經濟之大端將一詳之本傳以快天下後世仰止景行者之心而兼山詩集之刻區區文士一斑詎足盡先生之全神然使向慕高軌者朝夕置案頭時以經史之餘取一二首誦味之則見其隨體變合或和易敦厚或莊贍典核或激悼流連往往足以

振怠氣閑逸駛動人存本赴義之思如洪鐘醒熟睡澄波淨積穢則先生固邈不可即而後人未嘗不可以是即先生也初先生單身爲從龍之役步過升齋授以是集而屬爲梓行余旣竣厥事且從沸議赫赫中展轉山河閒備歷寒暑風雨以羸肋持梨棗得存吾師半生心血之緒餘以不朽者先生之靈爲之與抑天地鬼神實爲先生護持之也吁先生何求於後人後人殆有賴乎先生也先生不必以詩文重詩文實以先生重也前所謂聞言足以戒且勸者洵有望於吾輩矣不則徒傳誦其文詞寶其墨跡於典型模楷何與哉讀兼山之詩與文山之書者深爲惟厥所

以命名之意而依稀髣髴其行事焉庶先生無重悼獨賢於泉下也歟時

順治戊戌年季冬月同邑門人金士升盥手書

從來忠臣義士之正氣足以亘古今而不泯者其神全也麟少受業於金公初允師因得游於兼山楊先生之門講學課藝多所指示甲申闖變先生矢志勤王卽以所著詩草授金師梓傳時震驚鼎沸欲求爲名山之藏而不可得師遠笈至金川密以付麟曰楊先生之精誠在是子有門誼當互爲秘藏俾他日得以行世爲無負也予受命兢兢卒幸保全以歸金師越數年先生次公

世兄仁叔歸師乃以手序刻集令其續徵全稿以是名公巨卿特爲崇祀表章而先生之文章節義炳耀天壤矣後次公歿賴吾友彭君禹若維植其孤裔而珍襲其遺文今康熙癸酉春余復翻閱近編板刻日就湮蝕且金師之手序闕失無存卽以原本序稿麟爲重梓郵致先生令裔宜爾氏並集以傳庶兩先生之詩文直當與鼎彝竹帛並永矣敬述數言謹志篇末知斯集之傳歷經艱阻而麟奉兩先生之遺訓亦可申悃忱而無憾俾後之覽者將有感於斯文而重新之深有冀於維持名教同志之君子云

金師諱士升字初允清江陽溪人學問行誼為楊先生所重時聞兼山先生靖節遂若冠道服以下筮隱著有天文圖說易經疏解史畧諸稿年踰七十自甘貧窶以終後進知名之士多遊其門學者稱為陽溪先生

金川門人胡麟光謹識

原序

機部楊先生予同譜而聯姻者也理學經濟文章節義炳炳烺烺海以內固莫不知之矣我


昭代定鼎已十餘年其次公璫始長乃以先生所刻兼山詩集問序於予予誼不容以不文辭因拜手受命焉余惟先生以殊尤敏妙之資而篤志於念典修來之務寢食經史不屑以帖括封其靈智每下筆輒領異標新遙深澹遠出入史漢鞭駕唐宋庚午辛未稿出而貴洛陽之紙天下士沐其衣被者多矣迨讀書中秘旁搜遠覽學彌富才彌邵丁丑分校南宮所拔皆當世知名士先生悉淬之以有

守而振之以有爲故曹君溶劉君顯績俱處奉先生之教
而出其才德以佐

昭代至於蔣君鳴玉尤推三吳之秀雖含華隱耀而虎臣
以賈生入洛之年蜚英翰苑行業卓然則亦可見先生之
淵源甚遠也夫莫爲之前雖美弗彰莫爲之後雖盛弗傳
先生之在當時汲汲於推引成就凡以詩文就正刺南投
而先生卽出與之見賞奇析謬娓娓盡致無倦容入其座
恍在春風中故游其門者如王君崇簡吳君國龍輩皆哀
然爲名侍從視昌黎之於李習之張文昌尤爲過之先生
邃於性命之學歷律兵農靡不曉暢雖丁明之末造指斥

權要數遭排拂弗獲大展其所學以表見於當時而其所
甄拔與所造就者咸能本先生之學上翊

聖主下惠蒸民則先生亦可以無憾矣生平所撰古文辭
幾於充棟惜以兵燹散佚此刻則其門人金子初允攜以
藏諸山中故得如魯靈光歸焉獨存或亦有呵護之者歟
至於詩之氣格風韻自有識寶氣於連牛辨練光於曳馬
者况乎理學經濟文章節義先生更有重且大焉又何俟
余之饒舌爲南州年姍弟熊文舉頓首拜題



徵刻兼山詩集原啟

先嚴力肆五車情耽二酉墨精流瀋常見曹劉贈答之篇
筆彩蜚花時聞僑胙班荆之句囊盈綠字藁滿青箱方欲
為名山之藏迺遽罹桑田之變既室家之盡徙值襁褓之
無知手澤煙飛心香雲散樓空萬卷每雪涕以終朝細燬
十函更銜哀而永夜所冀域中望族海內名賢或有半帙
之收不少片言之弃望貽副墨俾手遺編藉以付之梓人
庶可上乎史氏竊有請也九頓何辭其或益之百朋不啻
不肖男璫謹啟

清江楊忠節公古今體詩目錄

卷上

感遇

呈韓國子丞赴永平判官

送熊給事歸楚山

別王刑部奉恤詔視江南

張太史席上仁趾文玉說契誦芬良友也

贈友貳南簡

寄姜如農

詒張無近

贈王惠常

雪際見有驅車自南至者

寄姜如農

呈別鄭夫子

別徐簡討

讀彙書

咏史

別馬嘉善

張太史假省

周禮部

寄許給事

石間畫罍粟花

別于工部

送馬給事

王侍御南譴

贈人

徐程鄉

送人之任

李太史省觀

錢進士南歸

秋日懷張侍御

文玉奔母諱自祥符余聞此三日泣嗟乎吾失吾母
十年矣而今哭人母哉泣已為之詩

別龍刑部

某翁

懷楊進士

羅太史假觀

酒語有序

陳卧子下第

別莊給事

西有崇邱四章

壽野翁

擬上已應制

送劉都給事

別章格非兼懷吳默真

偏側送龔鄒兩同年下第

示隱者

贈人

咏史

書太原王先生像

元日早朝應制

醉歌行

南征

宿汶上

別李毅侯兼示諸子

次良鄉作

次臨淮濟上簡劉司空

行路難

次臨淮酬劉中丞

公讌詩酬張周吳三子

江南曲

昔賢託思方遊懷湘水何必不今之人乎

陌上桑

戰城南

明月皎夜光

青青河畔草

憂北方蝗也

蠡水漁藻

長沙作

噴霧崖觀瀑布泉

梁山作

過金牛寺

擬古

武侯祠

中巖簡張明府二首

蘇稽懷古

牛心寺雙飛橋

盤石

野田黃雀行

今夕是何夕

遊陵雲寺

烏尤山

月在

示峩山虛肅上人

登大峩諸勝

過蘇稽

立春効少陵體 巫山作

又夔州作

漢陽江訪隱者

集渡青閣

病起過王園

夢追倣李長吉

戴初士游番州有感

九日龔三大生以菊見詒賦答二首

立春早起觀紅梅戲為新句

盆中紅梅立春作

示別園中桑竹

示城兒

徵兵

江口逢詹侍御南歸

淮陽晚泊懷古

宿界河驛喜雪

贈朱嗣昭下第

送鄧侍御

冬夜同熊雪堂飲王二彌宅次黃宮諭先輩韻四首

再呈黃宮諭先輩二首

送喬侍御二首

偶然作二首寄李給諫

別劉宮諭省親

贈何光

贈人

送王簡討使雲中

期劉漁仲見過雨阻不至

示胡吳兩生

別詹侍御

送廖嘉州

別葉侍御

贈何督學

秋興

偶然作

送劉晉卿趙景之太史

零陵行

贈林侍御謫湖上兼簡何都給事

呈黃宮詹先輩

警急

征塗

次晉州

再渡潯沱河

元日

立春

悲鉅鹿

塗嘆

病後作

馬上口號

山東三章章五句

高荒

夜再過藁城追憶前事

雨雪治兵

建昌營雪夜示張僉事

太平寨

青山營

建昌路

薊門

從軍行

古瞿怨二首

卷下

將還山畱別潞水

道中逢張侍御

濟上別楊簡討兼懷吳編修

宿遷湖上

宿承恩僧房

別王簡討章給事

別王簡討章給事燕子磯

劉旅皇

錢尊生上春官

再別王簡討

山行

山行喜雪

游張公洞諸勝

善卷洞

書邵氏詩卷

冒雨訪張明甫

過崑山潛焉雨滂

簡凌參政

別宜興諸子兼呈周太傅

辟人惠山簡馬編修兄弟

游華山

雪後重過涓隱園凄然傷之

甘露寺

別葛給事

寓感

哭李首川廣文

懷王石卿

贈余岸少

讀吳接侯蓬蒿園詩

三宿巖呈黃先輩

別三宿巖和黃官詹先輩韻

再和別三宿巖詩

方侍御秋晨理菊圃詩以寄

洗心詩

廣洗心詩

釣魚巷歌

黃匪石翁有子曰止子

七夕余以先忌走荒榛自痛人無知者黃官詹達夕
不寐有詩見懷追答

渡淮入黃河

八月十五夜莒州道中有作

臨淄道中別成侍御

又別成侍御兼呈漳海先輩

九日南塔寺

和范大司馬

次姜大行兼懷漳海先輩

再次前韻

良鄉道中期吳志衍後至自歎

青州雨坐示何湛源李道廉

莒州道中

廓落詩車中追和黃葉二先輩

別吳志衍

荅贈程穆倩

瓜步大觀樓同諸子望金山寺

夏日同諸子讀書城南講院時聞有環命十首

入閤皂訪黃五匡明十首

秦明府再任蓬萊見憶

秋仲同諸子習射城南

壬午秋江別黃宮詹先輩有明年海上之約既亂離

弗果歲云晏矣感此懷訊

雨坐生米渡口簡歐陽憲萬兼懷彭達生

除日書懷

除夕喻宣仲詒詩賦答

游白狐嶺

香城雪坐

別范小范兼簡王乾維

和戴初士韻別王乾維

雲濤宗侯庭前牡丹盛開偕諸子飲花下分得七虞

明日再集花下分十灰十四寒

七日分庚青二韻送牡丹絕句

五言絕句用前韻

牡丹曲

友人約看花滯江州未歸

東林過西林三絕句

明日再成二絕句

恭輓大行烈皇帝二首

山中聞鳴鳥淒然噫之

貴溪道中作

弋陽城樓示黃崑來

游鵝湖山下謁四先生祠胡子徒步追余及此坐楹

間愴歎久之

歸自信州諸子追別河口因過費氏園亭畱一夕乃別

八月十五夜泊舟瑞洪徹宵不寐明月在天寒光難定心旌眇眇如不可懷作五首

龍沙畱別時余與劉晉卿周浩若連舟西歸

有序

與劉修撰周工部期鹿江後期失赴

酬趙司理韻

舟訪蕭澹菊

熊方岳夜集簡贈

十月鹿江夜過二兄宅

城北聞鴈

舟集

答寄周侍御兼懷侯少卿張明府吳詹事

十一月四日口占

又用香山韻

過鄒七清臣南園

梅崖看雪

唐廣文招飲梅厓觀梅

別蔣元扈

蕭七丈澹菊招天甯禪院看雪霽

黃石丈元宵前一日小飲

蔣元扈之留都

包長明過小圃賦別

贈李雲岑

答張別山

涂德公內史過訪

步自牛灣歸鹿江二首

讀親征詔恭紀

感遇

雨後感懷二首

潭崗歸道

詔趨入直

贈李尚書二首

過惶恐灘有感

答彭達生見懷

領軍使過青蓮山有感

往虔乞師

勸輸

舟中

丙戌元日

丙戌正月十三夜督府東行同諸子有作

丙戌正月十五夜燈下見李花

中秋夜坐章貢臺

九月初二日與客啖菴啜粥而樂之

丙戌九日忠誠南樓示將佐

雨中樓賢寺 補遺見廬山志

清江楊忠節公遺集三卷

古今體詩卷上

感遇

吾聞神農世網罟日相尋
涿洞不足懟庶慰龍蛇心
雲雨號木石支祈囚古今
殺機發者誰徒然天地暗
區區秦君臣荒唐海物淫
大魚幸不至中原已陸沈
不有忠信人蜿蜒起高林
爲我語枯魚結網亦何深
寒風未至時古木無顏色
雖無根柢容蕭蕭南山側
鴟鴞不敢覘抱啄長太息
達人貴心知愚者慕肉食
各云申所適嗷嗷亦力力
鶩梁望海魚蜻網離山
域慮短日何長終

歲無繇得南山有盤石眾草不相識

呈韓國子丞赴永平判官

考證明史地理志永平府元永平路洪武二年改為

平灤府四年三月為永平府領州一縣五距京師五百五十里

孤石崇雲起行人問誓臺龍沙連北盡秋雪逐風開

舊時黃聿在躡虎向花間無復令支慮春薇滿碣山

送熊給事歸楚山

酒深勞楚辭秋雨慮叩篠省過不自知小安從繁鷲響柔
功既成草綴思為悄之憂百難忘胥濤念蟲蓼聖明有如
此臣心畏皦皦

懷人今夕去草服效魚趨牧芻謀自野僕妾亦稱愚盡言

本所悅諍論學前及鐘石鳴不已瑟風感弱蕪汝水吾家在
在靜夢託江鱸

別王刑部奉恤詔視江南

離心孤夜動眩然秋氣憫矜重南征意天子憫氓艱真正
如吾子惠良起健頑求生深道法祥理及完蠻若彼幽嬾
嗚哀哀謹束環簡書猶未絕義刑天地閒飲食廣君賜仁
思草木聞東方聞厲魃風雨自辜還

張太史席上仁趾文玉說契誦芬良友也

考證松江府志杜喬

林子麟徵字仁趾少有英譽與太倉張溥齊名崇禎辛未進士官至兵部職方司六上書論時政得失有賈鼂遺風。明史本傳宋致字文玉萊陽人天啟五年進士官至工部右侍郎十五年夏入對

致侃侃敷奏帝怒叱退之閏十一月臨清破致及
邑人趙士驥出資治守具大清兵薄城不得入
明年二月復至
城破攻死之

若有干人意真從一夜看同同憎物厚故故畏心安義調
因風集勞思賴友寬如何多永夕愛久學深寒
莫以尋常隱能忘風雨尋樹聲來自靜酒語去猶深或有
山川事誰分出處心不堪情性定澹蕩付秋砧

贈友貳南簡

積雨瀟瀟聽石鳴高人深穆向南城風枝定夜窺龍性月
穴經春避鱷名半榻遺編傳蔚遠十行旌節擁安卿化成
吉了蠻知誦圖盡峒溪鶴有聲

寄姜如農

考證感蓄集補傳姜採字如農山東萊陽
人崇禎辛未進士官禮科給事中以言事
觸首輔怒下獄拷掠幾死甲申諫成宣州衛聞京
師陷慟哭而之戍所未至以金陵赦留吳門不肯
歸會馬阮用事避地徽州戊子奉母歸萊陽山東
巡撫聞其名招之先生故墜馬以折股給使者而
夜馳還江南自號宣州老兵欲結廬敬亭未果病
急遣命葬宣城戍所口吟易簣歌一章而沒

寒情託蜻蛚愛子望若深古道存平恕而知介物心清者
畏人知此理自古今山水無靜力靜喧因所尋言遵淮上
路秋風木石侵良夜如有聞勞思在霜林念昔不遽得內
感竭知音

國計關生理殷勤見古人繇來明主慮未忍穡夫貧杼柚
三時盡寒花萬里親和平神所聽爾汝意偏真

亦知良夜少賴有月思長聲味存貧賤文章別狷狂衣風
追遠筵蜩語近匡牀敬義猶吾黨幽深不可忘

貽張無近

以給諫改官甫旋里黨禍熾被逮幾不測

同社救之得免入國朝順治丁亥進士

之子甯辭遠相逢夢後看託情依所好池草別生寒嗟彼
曹曹者空憂媚世難圖班迷月粲花削鬪雲殘鬱鬱裁爲
玉思君數碧环披經疑乳石吹律別宮盤洞歷鳴幽谷世
人那能彈信知吾道貴逃矣江之瀾規表矜明鑒元瑩炤
寶珊以茲懷遠遇歌寤觸思繁遙憶孤山月蒼蒼涇水漫

贈王惠常

曠懷誰與極當夜思瀾深悵此虬螭渺如聞鶴唳陰勤勤
君子在歷歷古人心遠絜移雲水元眈達海琳思之不可
邇餉月縱長音吾亦欽吾寶遐將石上箴

雪際見有驅車自南至者

北地風傳柝逢人錯認車樹深迷雪徑泥重怯關書此日
家安在相看歲欲除如何三月久鴈影入雲疎

寄姜如農

傳見前

曉風依北發雪後倦歸人對酒懸思眇臨鞭着意親條霜
瞻鳳力寒雨悟鴉仁爲憶江東樹梅花度遠春

呈別鄭夫子

道尚時難絜名與衡融夷博審依情立曷以世服爲危言
勤國計憂歷不及私翼翼夫子志屹然天可移文成氣以
樂廓矣古人師自非靜狂人幽求祇默知練要終難卽湘
靈任所之石魚湖畔草風細畱春池披藤珠鳥印開卷釋
前疑獨有士原者呼之匝水涯豈必懷澤芷山涇繫國思
桃風悲入酒依依別影癡誰云匡水遠秋深以爲期霜鐘
迸夜起鹿跡閒相隨庶以永斯夕龍門花笑時

別徐簡討

明月知人意因人遂及今畏秋成弱慮敬物廣親心宦薄
噫春冷家貧望歲深見聞無多愛吾道樂升沈

求倫堅歲月正直賴君仁賢聖同家事行藏一處身義心
多樸近道力餉文真慎我知能達江風避客塵
良人取次去思古復何尤信託西山月驚聞北地秋隣從
仁智卜道在樂憂求此夕離歌飲循陔賦葦柔
當代希文在箴深媿及門論人如學九思過識君恩苛註
怪魚跡攻閒保石根四方恒恐懼許國有親存

讀彙書

日月何知盡籌封自此生或云天地儉未許見聞爭鼎物
多爲怪邱墳小有名眩然無一跡此事古人輕
是書皆可信畫象已聆聆世事從人補思端自古經簡繁

終必做得失各爲刑愚者空勞爾無言何處聽

詠史

山水從名隱心期動靜分得多無止物託遠有深文毀譽
猶生氣高堅自學耘濠梁機已息木石媿吾羣
尋常仁義事遂使鬼神矜學問今人廣詩書上世憎圖澄
甯有術黃石未爲能百一存風託干戈自此勝

別馬嘉善

兩年重此餉車塵之子清和不畏眞春自茜溪新竹木家
從震澤長蘆葦且將康儉師良士只爲高狂憶榜人葦竹
几能貧客共幽瀾何處咏蒼榛

張太史假省

不爲種樹去江野戀明君嚳語猶山夢移文盡日焚感恩
多著論愛力謝聲聞此意何時遠辛勤慎夜分
憶昔驅車入借爲風雨求賈生諸策在元子五規酬主聖
臣難使君行我獨畱思元不敢賦深夜憶南州
亦知行路難雲谷豈云易靜物無身國匡時有義類誦書
恤國勞論史憂人費吾道同行止勗哉唯勵志
念子行役勞戎戎蜩語竭山中師友多天下忠危切忠信
存風雅艱難辨曲拙事親有至情粲粲無淄涅

周禮部

核忠齋公詩集卷三
歲寒思質友况復遠相離露草羞前輩傳經慰故知地天
南北共兄弟古今期慎矣多賢達無勞問所之
驛路山川裏艱難感聖明繇儀占問馬當臂恥從魁世道
嫌真易吾徒畏貌榮友生聊足慰風義重宵征

寄許給事

吾道無朝夕殷愁惡曲篇且將書省月不用酒爲年民力
期相濟臣心愧獨賢深山饒孝緒憂國託湘荃
孤危天地信君子敬其身寬政無深禍罪言多至仁自慚
多野恤不敢薄時人草木猶微過辛勤念束薪
憶子行邁日至性通霹靂余病不自知知之增遠感誦此

懷中草如得愈風檄自昔汲史愚漢廷多愧激秋水隔一
方可望不可覲明主豈難悟爲君賦旨藹

石間畫罍粟花

石心欣得託不以貌榮移別有嘉名在難將小草知避人
良自貴封己咏何爲物理固如此深山賴可期
靜甚鳴蟲共恥爲薈蔚名空虛迢夜聽道氣習陰生風雨
持昏晝春秋練替榮寒修從所與穆矣有餘情

別于工部

竹爐當夜近魚蟬石語參寥深未深風雨多時百姓力山
川靜處友朋心可教木屑勞陶史賴有泥蟲代阮林別後

寒情依澤樹東南何以賦桃吟

送馬給事

天子重田事馳驅仗近臣敬輿心未遠彥國學方真爲說
興元事何如昭德人夜深懷父老司版賴周詢
不知三月外兄弟盡離居風雨黃流急干戈野路疎幾時
仍刻竹此日且趨魚東去訊諸子矜傳二謝書

王侍御南譴

逋臣深夜誦明明至性孤危天地清囊草不辭名自聖授
經因得福爲兄北山梅栗舍紛約寒澗風雷感穆誠便欲
續書朋黨論蒼龍觸石起秋聲

出門到處是溪廬敝席支牀餉野蔬獄吏漸尊蟬語急賢
臣欲頌鳳鳴虛共言愛敬存身教且學明彝理座書鷺水
白時家日近吾廬深肅可停車

贈人

君子穆其身花深絃自鳴物情憂代匱有道慎移榮俗以
勤生愛人從恕得清祇今漳水在猶憶鄴渠名

徐程鄉

懷策山如陟螭文誦有嘉靜民規內力觀我習微花藤息
生樵迺雲迴遠石槎穆情勤遠涉矜物不言家
賢人歷海國所至道爲隆石蘊山情幻谿澄鱷性通感時

輕險仄深夜悟高融行矣多矜慎勞心萬里同

送人之任

古人樂捧檄親物不辭喧版息蟲知夜籬深月在門無言
名不近多愛氣能敦淮水稱宜勝山容學靜溫

李太史省觀

別于難兼夕曠然敬慕生山川不可近如聞倚嘯聲懷歸
豈不畏所怨不如卿捧檄何云樂榮色昔人輕資愛既已
遂日月為之明登堂肅御侍簪佩雜駝笙潔己慎厥事清
和被鼎羹有時思元則高歌見物貞鶴言良足晤螺飾一
何榮鴻溪深且眇冷暖各為情相期不問歲妙善乃獨成

錢進士南歸

夜雨虫聲動客心夢從池草一時深北亭滑徑春衣儉分
得山農半日陰

秋日懷張侍御

灘水通湘越秋風起垆原共承天子意節命重魚韉誰謂
漢臣遠諷義動高閣亭吏無勞避會長已在門土人安所
託驅猿靜夜村高牧不云苦時時悟主恩以茲蠻服外乃
識朝廷尊山薇來鳥啄竹屋依寒顛耳目極遐怪曠然至
理存嗟予懷令德饑渴從中繁虫絲觸化物况復 鳴螭
南方有嘯 西鄙靖遊燉何當萬里念明月滿荒屯願君

且授餐世事尚足論

文王奔母諱自祥符余聞此三日泣嗟乎吾失吾母

十年矣而今哭人母哉泣已為之詩考證文王弟

進士知祥

聞君三日泣傷我十年心喪亂猶家在艱難與歲深悲懷

鳴馬共隱痛翼鷓侵同此呼吾母長號泣夜碓

縱縱辭京去休云行路難草枯山夢暗露甚鬼情寒有女

甯分痛何人可慰餐吾徒三子在涕泗獨學冠

但說榮名早於今不可追哀從事父日過在讀書時天地

無終怨尊親有異私摧心風雨夜容易受名欺

零落寒風裏辛勤夢後言無忘饑渴處即是敬勞恩道以
詩書得氣猶枯槁存不堪羸骨意為汝賦中園

別龍刑部

清壯多名抗三年再牽車敝床分石草將筍寄山漁祇為

休文久甯關中散疎心知明主在不敢愛吾廬

某翁

為閒溪上耐閒翁深夜猶題小竹叢醉石自畱耶杖健寒

焦不動雜渠通負書到地知君達讀易經年間柳融三十

多海氣東山何必有丹虹

懷楊進士

青青東門阪上有蘿藤結願得一心人簡易無磷涅周才
慎所處不敢居明哲開戶見性情羣動齊巧拙墻烏安深
樹草風感柔蟻萬物各爲友吾生何所悅儉懷馳竹篠遠
託在棲桀春山豈易求江盡水不竭

羅太史假觀

義調三年共忡然此際懸野頑知鶴近貧餉獨梅先不敢
薄時俗爲多愛古篇南陔勤所好勗矣石心堅
遠子無朝夕從之豈復遲環深驅直義蠲靜學原規貞氣
甘狂狷深交愛拙癡敬身懷主德卽在事親時

酒語有序

夫刑義遂辭專情體物昔人所尙不可等齊是以
瘴阮子之狂多感祖生之壯蹴意不在酒言授斯
詩嗟乎勝引旣得百一誰存終夕之間可與論世
則余與湛士印泥未知古茲之宜可視也

良期憂小玩急調起流碇但聞蟋蟀歌中夕慚突黔質友
不多就側側在托林將子無遠我酒坐促勞音鬼目欺吳
市山缶觸代吟昭昧詎難辨細人自爲心風義懷韋孟激
古感子歆豈不知圓曲樂理有堅深
抗盡寒風止朋清永夜從漉巾光竹簡版屋靜牀菴一日
同師友三年愧僕傭素辭思偉長幻託薄宏農幽并多悲

慨徐庾任遭逢飛言知雨似逸引待星衝

史元成大隱笑語集松風窺調文而朴原規窮乃工滑糜
羞稔黍草麴寄蒿蓬時化飾相就遙宵感息蟲

鼉鼓兼風帶徑鴉草盤刻犖集寒鯨石經荒忽中郎在桃
竹璠深少府奢高木旋枝陰雀鼠短簾曲瑟靜羊蛇人如

鄴雜難為翁禪卻妻孥不問家較古有時笑贗鼎青年何
事惜虫麻尋常十載猶堪醒媿殺當筵聽數撻

陳卧子下第

考證陳子龍字卧子松江華亭人崇禎十年進士為紹興推官定東陽民亂擢兵科給事中屢陳時計後以結太湖兵舉事應浙聞被執乘閒投水死國朝專諡忠裕

南方多榷木羣魁式瞰之羣兒處其下采采道旁莖丈夫

重譽達感遇惜心期文魮振石鼓鷺刀鳴服鞞誰能獨居
此北山多草萊

曲曲魮梁遠良人近水居周才度世務修儀見古初同時
齊所願休待耻世儒所學無睽理會我百弗如彼士而相
摯或以為狂且相將拳蠶去登車莫躊躇

別莊給事

考證明史傅朝佑傳莊鼇獻字任公晉江人崇禎六年進士由庶吉士改兵科給事中上太平十一策極論東廠之害忤旨貶浙江布政司照磨國變鼇獻事福王復官久之卒

遙遙津水艇刀寒十日思君九折灘北望紆深雲莫任涉
江歌罷不成彈

西溪春草去遲遲宣室重來夜半時贏得書生同甫在祇

今猶記石泉詩

山名小隱竹風明
夢見君王問子卿
十二策中猶未已
逢人猶自說臨平

西有崇邱四章

西有崇邱喬雲油
油君子抗只志確
道周伊何從之古
處則謀

西有崇邱白石瀏
瀏君子抗只達力
制幽我之懷矣先
民是述

招搖之支不集
阪田之子砢砢如
隧在淵左仁右義
其樂孔湛拮彼靖
惠赫曦之間

蒙蒙者棘良士
又之言趨矩置皇
則刑之其室不遠
威德視視懷哉懷
哉百世風兮

壽野翁

榮木當秋茂融然
見遠岑久悅從所
性鹿遊愧深林伎
辨不可得同此御
窮心側側驅悲愛
萬物自高深聆善
以遂初愛奇無外
侵南圃采辛苴西
術畱弱稜元生窺
蠹化伸蔚恥曲吟
古人良達理悟者
分靜淫咄咄彼趙
子步車聚石蟬亦
有躍稍者蠕蠕懷
我音良士如可觀
於今胡不飲慎矣
貧樂風義庶足箴
苦調以爲餌養生
挹眾斟

擬上巳應制

惠風深穆秉簡遊介祉猶傳積石留伊曲不夸池劍在涓
濱應向羽杯求花當御徑盤龍水春入名川薦鮪舟何似
蓬池歌未竟抱琴猶奏有虞休

送劉都給事

秋水留黃在何人問楚謠翳不懷蒼榛南服重申椒御曲
既所賤修能胡爲搖自云不可使敢謂士也驕王仁思臣
直江漢清以謬願言慎晨夕如草望未遙天下尙足爲春
風感嗚嚶

別章格非兼懷吳默真

寒風生遙夕春水廣以周卷言將行適申期不可留朝發

白河津暮望沾水頭歡戚非所繫傷心感繁囑素辭多中
惻漕漕采辛蒞豈不懷修阻古道復何訖行矣慎服改樵
逕春草蘇本非避世人勿與智者謀我友甯做逸檣楫思
悠悠

悠悠何所極遡迴在一方之子多端審匡語習篋營勞思
託苦調亮節媿褰裳自云負聖明不敢居清狂杯澗何必
愚讓莊何必康如彼逐坐者擘機甘稻梁
稻梁無大慮辭費亦奚爲有過必歸己古人或未知樹禍
不樹豐眞業乃用疑乾谷既所求越燕亦能悲瀾瀾度淮
濟篚篚接魚炊我友日以近我思日以遲

遲思不憚遠音微詎能隔東臨探禹穴西瞻循海嶺相望
彌歲月心期在匪石骨癡不解妍秉躬惟口擇世人知者
鮮魚魚問所適飭日以爲好翳竹笑鬘鮑以茲不可忘義
心重疇昔

疇昔從之子風雨共慰敦靜理規捶尺敬身恥咳言踣牀
同所依意氣不足論一旦北山去僕夫晨在門茶辛辭小
娛忠信懷帝恩珍重故人情所畏惟素飡
素飡復何持大義尙可尋仁人多情愠乃志彌高深嗟予
蔡子意直名非所歆庶幾成君德咨居無澤吟豈謂當乘
別激響起繁林翹足視羣兒毋忘江湖心

偏側途龔鄒兩同年下第

考證龔名善選鄒名暄清
江人與公同舉庚午鄉試

後俱
殉節

偏側勿復言與子異姓爲弟昆當時亡火苦昏晝相持不
窺園家臨曲巷小橋西十日不見亡寢殮自我辭家來龔
北咄嗟二子復南轅旣不得爲戰士復不欲爲滑髡天子
用汝且何爲區區文墨負深恩以茲驅車向長道短褐細
氈不憚勞山書作精炊脫黍石蛙兩生穗篆好嶽形負側
如舊識弱泥留馬怨危瀑遺子鐵襠心自知依賢那畏蛇
蟲傲與子宿昔同遲拙蘆水蘆花窮且與男兒同時自有
爲莫將富貴驚相告

示隱者

家似瀼溪北春深靜夜轡籠書依竹課耘鳥習花劬萬物
得其理十年惟所娛分蔬濟達匱肅杖笑支癯守道欲何
爲堅貧不肯驅卷葷天地在激水性情迂氣悅象成石時
安山不愚曠遊從性止遲儉畏時渝勺酒採甘藷持觚調
細餘趣兒事我君愛國無身圖以茲不知歲悠然駘髮趨
贈人

峽雲何處客思深舊日津河別後尋拜石不慚清書瑟歌
風自信息秋礎遙知海上魚浮甕爲問羅山鳥啄葎應笑
阮生癡未了山川猶識主人心

咏史

任刑豈曰賤一曰別用秦怨有山川力書猶藥石仁當時
亦偶誤閱世遂成真假使軒黃在何人問獨貧
畏民古則甚漢後已無畱賴有匡衡在難將風牧求野謀
甘避富國論學辭愁約畧存生理深深懼歲偷

書大原王先生像

道在儒名隱時艱吏事深文章畱後死劍舄接來今爲讀
太邱傳難忘孺子心悲風生草樹夢痛集松陰
先生方未喪去後令人思麋網繁兵氣泉書隱化絲當時
同調盡曠代獨知頤願我聞風者依依百世師

元日早朝應制

高風洞歷繞宮縣已是堯圖第七年日氣深微安草羽魚
絲延曼集球琯分明尊獸開王會隱約膏鸞入廣旃其道
春和來漢詔山雲先自月氏傳

春滿翠恩應烏銅文昌宮裏百華籠西南共識聖人日東
北欣聞君子風弓輅參差迴羽籥鈴鉤紛若接龍虫頌成
萬字書衡玉敕吏殷勤問侍中

醉歌行

有客有客來濟北手探禹穴窮水域有客有客觀滄勃
字風鴉橫獵碣世人嗷嗷矚且動有客逡巡唯古語河朔

諸生舊識名聞是萬子觀如堵須臾蒼虬折其角元書出
壁聞管箭沐浴日月心自樂不問三百與一握當時小儒
何齷齪山鬼咳笑上帝啄吁嗟咄咄揚與荀象耕鳩舞逸
漢辰靈鼓紛紛鬪黑輪赤熊玉馬謾疑神憶昔同舍秋復
春顧我慚持東家鄰今來燕市怒目瞋持將迷穀贈傍人
石鼎嘉量次第陳堂下誰辨鏞與鉞區區復稱草莽臣自
云三十名未成家有薄田不終貧

南征有序

七年甲戌夏五余有事蜀征行道旣修使者無已
時役夫廢畝見而哀之作南征詩

王者無急役力征豈得已况復非其時十室而九徙嗟予南征日眾事在獲耜聞客自北來長嘆向秬芑阿媪出大門呼隣相稽訾小娘難身代徬徨戴目視阿翁復無言自悔筋力毀垂淚倚塤垣逡巡避客筆是月將獻麥農者愛寸晷僕夫不知之盛怒傳負櫟阿翁前致辭長官且止止大男持門戶終歲在城市中子方剛任荷戈前者是獨有三男兒十一同諸娣母曰嗟予季行役聊爾爾稚子不習苦代父以爲喜驅之從客去短足追奔駛自小無暇日力事從茲始可憐食不飽忍饑爲上使南畝治不得何以供蒸盞役者尙在途隸卒已在里使天而雨粟豈敢惜毛裏

車中知未知絲來盡如此僕夫語阿翁胡不農而土見此長太息彼亦憂其死吁嗟子罕在負弩一何鄙人臣罔念茲何以事天子

此詩可泣鬼神矣農事方急稚子從征借老翁口中曲曲道出李祖陶識

宿汶上

三年同此茹荼初中夜遙燈說采樵籬黍莽蒼童子草虫深靜使君餘憂時未了猶千畝問俗無勞只一魚鞠事於今吾等媿大東近日復何如

別李毅侯兼示諸子

次良鄉作

南涉溝邊風雨諳別時信信且停驂子還自北勞行路我

亦從西問楚蠶蠲允當年思戴冑窮愁猶昔數周堪古人
不愧石潭在爲憶諸生媿舊甦

次臨淮濟上簡劉司空

彥國憂時切萊公仗節雄帝心深鎖鑰儒士接昭弓江漢
流何遠峒崕樹乃豐靜言息地力庶可亮天工誰謂重臣
在乃心王室同拙疎如賤子感慨獨明公義調生寒雨忘
交况大風未須三斗盡已復十年逢磬石親絲竹溫泉近
箏笛圖瞻蜀大小陬望表西東始識古人在無憂吾道窮
四方猶未靖賴以涉川功

行路難

山高不可治刈草懸蟻瓦鬼迷水荒不可卽揭車觸石羣
濁泥安得蛇與虎代有人心驅穴窶區區百物意自知跼
踏一生不敢怒

次臨淮酬劉中丞

咨讓羣公在艱難帝念哉君臣同慮殫南北一扶隤爲慰
蒼生望無勞漢使來于于馬石靜勒勒龍門迴雷雨驅薪
甍蛟魚鬱草萊崇朝天下徧暇日府中開浣水尊風雅籀
文炤鼎鼐微生安簡略上策仗雄才感慨懷知己憂危處
不才通渠思萬里獻玉陋三陔當代成功遠前賢勝勢推
深知虞夏際不築望僊臺

公讌詩酬張周吳三子

繁雨接高會言登君子堂
開寫適物意古今橫渺茫
霆聲震華木葦辭隱魚梁
遠近同異聽花水生微涼
自公多暇日絲竹寄滄浪
流響何廣深抗言皆義祥
寤懷永晨夕職思勤園荒

江南曲

昔賢託思方遊懷湘水
何必不今之人乎
漢渚通江路春潮夢夜漁
遙青生逝水小沐怨同車
將調君心達猶能草力如
桑微蠶不化烏溼字難書
遲暮為情待無言持獨居

嶺生不斷絲草深不埋愁
盈盈大隄女寂寂小遊舟
幽感逼寒汐懷新上遠樓
思之不可至持此復何求
河鼓泣清曙傷心理 詞

採蕙聞儂息撚梅感儂心
顏氣非復一幽芳自能深
沐雨泥淪葉開晨巡小
雋蕙生無人茂梅苦為誰
陰願得從儂去遊風約帶
簪

家住橫塘口門臨楊柳津
津水流不返楊柳自為春
朝聞潮水歸暮見桃花泊
斂眉生畏傍人猜束心
曠就寒枕索不知蕩子
今何託憎化雨雲為他若

明月樓頭蛛牖延盤絲
囚鳳不敢前謹身待君君
或知遊

女如雲匪我思胥濤怒起靡蕪溼踏歌初罷屏風泣桃李
蹊成人未歸春衣就手露痕澀江水無情來去船笑問東
風然不然安得大江移屋裡朝夕與君一周旋

陌上桑

陵石寒蘅草竭羽林諸將新持節探遼弓鳴夜虜寇去滅
忽內手袖鐵狼目張視牛羊滿谷畏死憤訣黃鳥飛飛飛
羽頰血采葛作絲染黃蘖織未成杼先折君王憂移絺素
拙語涼風煎噬方一切且代桃樹僵莫自泄

戰城南

朝從軍暮殺人河北野老西走秦自信生男願爲健兒驅

馬恂岫峪縱橫道上王將知鷓胡以笈狐胡以裳野老垂
堂泣健兒挽弩彊鼓山鳴但見金不見人咸陽火起噴入
秦且將無賴療饑貧切莫內徙內徙捐邱墓馬休士罷寇
至不愆

明月皎夜光

流水踰南牖髮草覆女牆古瓦聚磷火銀餅炤夜長宿鳥
夢不成求且自徬徨頽垣歸荒獸陰戾難嗣光美人隔秋
水褰裳貽青棠云當卽去子愛促怨河梁豈爲兒女仁微
軀惜藻芳萬里不可愆君恩不可忘

青青河畔草

憂北方蝗也

蒲生祠夜雨荒深澤鬼怒鬼怒猶羣晝蟲飛草骨瘦不聞
土木災安用鬱汗萊汗萊以歲遷寒風悲石田發發生魚
浦坎坎從社鼓旱蝗方擇食驅土肥蘆棘

蠡水漁藻 長沙作

澄練安流勢 魚亂欵曲族族穢未息遙遙相屬屬溶瀾
遲上下無意水自淙靜觀造物心不問纓與足梁山閔幽
室秦人義不辱吾聞湘沅間有人呼帝嚳

噴霧崖觀瀑布泉

梁山作考證噴霧崖在四川忠州
蟠龍山有二洞洞中之泉下注垂
岩二百餘丈噴薄如霧范
成大以為天下瀑布第一

見聞非一勢動靜窮無端潛石流天地深雲化暑寒草思

光氣蕩鬼怯意聲湍何必三山外移情良獨難

過金牛寺

寺前古木垂隧陵臨洞洞行者憩焉則可以忘倦
羣木一虛肅延陰自古今石言薪積甚山動鳥聞深悟共
風旛論高知秋水音相將扣寂樂時化爾何心

擬古

綿宵小整竹裂長草心秋氣來無方瓦鼓夜聞星辰溼青
棘難逢夢荒荒潮兒夜宿迎漢水楚火冥茫迷揭芷君心
不信朝復夕倒注黃河為君死誰將紅豆撥寒初桐鳳釵
頭總不如手磨鐵鏡羞傳燭側身抱魄光委蔭竹尾交交

楊忠宣公遺集卷三
龍影吹銀光泣雨欲訴誰任家少女相思字心起秋風問
侍兒蠟封花思待春力露甲含愁啼服翼水冰一作虫織水
字難成吐絲納心虫不識

武侯祠

帝室名猶寄艱貞死後心莫將粟帛在恐負水魚深聖鼓
從蠻俗鬼言聞灌陰君臣同此濟流水自移今
荒寒古瓦冷漢火續魚蕭臣力存牛馬樵歌動黍苗中原
猶畏虎天下尙尊堯日暮歌梁甫楚些未可招
霸氣西移日嘗聞再出師才爲王者隱學與古人期不欲
言天道唯憂媿王知祇今留柏月長炤夜營時

中岩簡張明府二首

竹陰流暮短橋危巨擘不來仁者施草木翼身風雨外魚
龍潛面漢秦時空樽許客公榮似拜石呼人莘老期欲與
樵僧扣寂寞高深自我古知之
適此交徒靜知君政理餘自然幽草侍何必野人居化物
疑荆削移山續禹書晨娛不可止超感百生初

蘇稽懷古

葭學耻爲鳴鼠嚇空相慕高捶不足畏隱飾不足怒咨爾
賢達心敦好崇昔務小文非所工秉義能不懼物象同渺
莽廓言天地遇烏啄語豐草牛羊下夕路誰能明上古無

心狎贊乳

牛心寺雙飛橋

畜霧接荒冥驅雲魍魎歸蛟龍不得勇木石自相疑我行
二水間形素與之移肅肅鐘鼓敵趾趾左右追水外聞空
壯高陰無揜芟息心化終始治言等是非以我為東泉以
我為南坻寂歷莫近名日月為我期

盤石

盤石語蒲葦託體大道傍大道多行露蒙棘委嚴霜銀鈎
連鐵襠兩意莫相忘南海厥有獸其名曰雙雙西方亦有
鳥其生曰同同終當共脯麋初絲日月長

野田黃雀行

野雀匝水飛嘖嘖不得食雖不得食亦復何憂胡為上與
黃鵠謀下與靈蛇讐搶風盜雨摧角折羽失其故處吁嗟
乎雀志荒力匱龍怒隼許逝毋女嬃小人之萃何如君子
之愚曷歸爾無知之蒙楚啄爾自然之餘秩卑飛哀鳴饑
逢田父或將爾舖

今夕是何夕

今夕是何夕河魚淚未乾及此秋宵永遙遙望所懼所懼
不可見坐起聞長歎且將為我移床避明月斂燭息思不
見寒鼠啼山穴鵠遊田鞬狄炤露倚素紉待得雙棲夜同

聲謂月單

遊陵雲寺

誰識三年岑子心深巢魚隧靜寒葦大賢之後難爲居天
下如公尙有幾風雨聞村驅獺虎星辰入水 巫鬼先生
日註數千言鐘鼓從容淬瑞尾

烏尤山

乞得山中十日回烏耘鯨處不知猜石螭手刷堂無字尺
刺尾開魚有材巴右幾家竹女部漢江別後雨花臺風流
刺史名猶昔載酒時從明月來

月在

月在河之曲持情不炤天荒城勞颯颯流水識嬋娟虛枕
風生怯遊絲影畏延私將夢前路爲爾辨山川

示峩山虛肅上人

無羽而能騰是謂了熊藤無木而能居是謂擊鳶廬高者
愛冥冥酣寐陋石經將文必爲樸物理歸其朔愚者不可
移癡骨而妍皮天地空虛在性情忘所愛細人宅其中若
彼一映風安身身未安憂喜了無端手目皆勞盡風輪如
蓋軫望之猶幻波石火變山河色相豈必殊愚人昧轉轆
當其得筌時無明亦爲私釋氏在養靜靜卽動之性若云
動有根根卽靜中存云誰滅此識芸芸歸所息悠然愛與

惡息者若脫霧愛亦不辭懼惡亦不着癡是名大哆囉拍
拍笑雲魔以斯善而身何云起滅因福有兄知有兵慎持
之安禔禔山劫海升等市兒

此詩可與大程子靜定
之說參看李祖陶識

登大峩諸勝考證大峩山在四川峩眉縣西南一百
里周千里有石龕一百十二大洞十二

小洞二十八
南北有臺

良遊不擇月勇涉無物營屢遷忘遐怪耳目晝夜爭所憂
風雨至無以悅眾情之子欣獨往聞此慰平生開涂指辰
漢歷歷披蒙荆是日山之陽高隆礪氣明蠻語不寒夜鶴
陰息遙鳴魚燈聚瓦鬼霜巢隱空精主人得我心流連寡

世嬰墨壁摹斷字渚田疑象耕險力鬪蛇虎危跡懸巖巖
泄雲荒近遠隱隱車馬聲遂瞻西徼外有如草一莖蠟化
何年石樹古不置名禹功所未至萬物備虛盈吾聞楚有
狂天頑閉逢迎安行不慕僊冥衍通廣成貌言難一遇無
為天地驚

過蘇稽

高雲不易託偶與靜者同聞水知魚穴因僧記鶴叢未須
明月夜已見古人風嘗恐瀟湘路勞勞媿此中

立春效少陵體巫山作

赤岬城齊暮雲急春生百際雲勞坡學人細餉元修菜人

客慣聞靈子歌藤引鉤疆猶楚俗魚封谿口稱巴醪此時
應知寬大合山中何必徂歠多

又夔州作

春歸夔子國風廣楚王宮草煥干戈後星明雲雨中卜鷄
猶漢女載酒自南翁尙憶田車載勞躬問草虫

漢陽江訪隱者

涓水移人問芳葢昔日墓田埋霧雨不見老翁復幾年皤
髮短褐學偃僂視我無言笑不止呼兒爲我設棗脯依稀
猶記元年事忘情日月漢之浦祇今行年七十六大兒初
成持門戶亦有中男驅之去乞授詩書甘空窶問我方從

何者來巫峽春深畏獬豸五年勞事今未歸西走巴夔何
所補讓人不復昔時心吾子勞矣良用苦吁嗟負此丹崖
翁公卿何必皆愚魯莫將魚鳥驚車馬時見山川圖狼虎

集渡青閣

湖歸青棘雨歸雲山氣高寒水外聞月託淵人看逸勢酒
移焦核聚元文虫魚渾沌地天宅熊虎縱橫草木軍康樂
自言從大隱登樓何必復離羣

病起過王園

小沐通秋力聞磬樹不知心驅健鳥倦肉任餓彪欺百日
醉誰醒一園官亦私物生皆適己何必義農時

東身延草際衣履古人俱灌圃知勞事微香辯水區非魚
得我樂因谷號公愚不及東家子徒言蝶夢無

夢追微李長吉

龍石割寒天恐曙明明關山此路去手持鬼草問蒼公革
荔不生夜守宮料髮微嗔首若蓬黑地吞聲氣已通遙遙
目語喜難定鼻狹在東啼鳥暝逋風竝下心不醒

戴初士游番州有感

不到羅浮二十年夢游荒館手遺編水通西服噫吳季宅
近北城慚景先韓子碑深鬼化鼎越王臺古鼠窺田春風
自在寒衫儉待爾堯山勒石還

九日龔二大生以菊見詒賦答二首

大生卽善選

冥冥不在酒花路許泥封澤葉勞私鳥寒莎號葉蛩人言
勿復爾僕病未能從容易秋風老抱魂歸短筇
坐卧可三日攢眉杖草鞵幾年慙栗里有客似洪崖眾氣
衣聲辨故鄉風夢佳約心菊未倦狂恃賴吾儕

立春早起觀紅梅戲爲新句

草心我心春並起望梅肅肅不敢指游絲掛鐵網紅骨溼
魂吞火出寒水就手之時露未晞飽思東風體氣微美人
自嫌生身小抱冰決絕笑雀肥夜光未了青難竭炙泥耕
烟明月熱皇天后土胡以爲使子無忘霜與雪

盆中紅梅立春作

生小持情何時已端居斂髮晨色洗奮鬚醉甲龍之雌風
雷凍血公有鬼匪樹聞遂學夢裏風定心危薄於紙萬物
莽莽私路同相調以我為終始

示別園中桑竹

事聖朝希心虞夏前 兒多匱望國 許憐吾子

尙 定交已十年嵩山聞辯玉觀海有智泉漢代師駢
臂 生讓孝先嗟予辭家去慷慨赴幽燕有子慚希逸有
弟似惠連庶幾安 在能今年道傳良朋欣可託譚笑五
原天

示城兒

歸舟今夕遠西望獨沾巾骨肉天涯隔山川枕席親誦詩
思有汝好學或如人以此發深省鄉書不厭頻

馬山前路漢火西陵樹白塔健秋風太原無鐵戍詒書
再敦促定居良足懼念汝始為婚三日未成嬾鷄鳴驅汝
載嬾還余亦褰裳涉江去北去烽烟何時息望湖湖草寒
星曙鵝鵝嶺外黃雲號野鳥川邊健兒語丈夫致王一身
輕恥將斗酒酌狐兔十月江寒天易暮但聞鼓聲虎子怒

徵兵

郡國徵兵無寸鐵短衣奮臂入狼穴長鞭鞭舟何可前搏

沙作黍鼠不齧湖水怒立猛士呼饑隼孩虎口濺血將軍
逡巡無一言金丸入手顏且熱吁嗟木鳶向日飛漢人馬
耕人肥城烏逋尾少嬾泣朔風晝起陵木非我聞天子
重健兒公侯好禮異昔時三千漢卒成何用綦置大將如
伏雌中國自有良家子區區納降事遠河北未滅氣
驕鐵騎一入內地危大臣只今謀社稷鷄鬪蟻爭胡爾為

江口逢詹侍御南歸

考證明史詹爾選字思吉撫安人崇禎四年進士授太常博士八年擢御史請起用侍郎陳子壯湯開遠明年疏劾陳啟新議吏部尚書謝陞太學士溫體仁不加駿正帝怒大學士錢士升以爭武生李璉搜括富戶忤旨休去爾選上疏力爭帝愈怒削籍歸十五年沈述左懋第相繼荐詔召還未赴而都城陷福王立起故官選以羣小用事遂不出

胥溽風雨怒龍角鶴唳九皋菱水濁嗟子奮衣呼殿楯華
矛嚙酒歌河朔梅花赴雪燒冰蛆白石幻羊化鐵鮫鮫作鮫
比舍三年成獨任相逢江上曹山邈

淮陽晚泊懷古

淮水遲遲月不流霜天抱霧託清秋魚燈炤鬼癡秦鼎鶴
影分人瘦越裘遠近雲疑王氣險窮忙曲起野心愁隨時
尙有吳儂好可信遠西罷魏犢
我聞橋上之明月炤盡今人不復移一夜葦寒吹小角三
星雷住泣高狻羣兒入海見神物榜子揭竿走水攫鐵架
銅梁容易事官家或有鬼鞠時

宿界河驛喜雪

盛策叫雪河漢裂凍星化魄山精饑谷蛆吐字延藤篆瓦
鼠遊簷護石衣削水不勞笑楮葉吹絃自號泣江妃風填
青海龍鱗隱草沒平田馬骨肥蝟戶鎖寒饒腹冷竹橋封
浪唼波稀棲鳥夜半啼天曙壓羽埋毛不敢飛

贈朱嗣昭下第

桑乾橋畔畏鳴鶯孺子祠前湖草陰龍玉不疑江海在鬼
謠空化雨雷深還家且續南陔賦對客休傳文鶉吟知汝
十年慙獻納漢臣誰識更生心

送鄧侍御

北華高處白雲田南涉歸時青草烟好去書成陶子石移
來谷化范公泉驅車六月匡山路泛宅三江秋水天淮海
只今思汲鵲鹿門未許學安禪

冬夜同熊雪三堂飲王二彌宅次黃宮諭先輩韻四首

黃宮諭
卽石齋

賴有幽期在招呼忘去來相將寒菊傲爲待野人開世事
巢風鳥安懷戀瓦栝知君方大隱泥飲指家醅
忘交慙小友高論接山尊不必移愚谷依然學甕園北風
砧度月東郭水閣村何日滄洲去溪雲蕩石根
棲約推吾子蕭然無雜賓風牀明月夜土屋醉吟人東舍

唯藏善西家已得隣河魴信可美江上有鱸尊
悠悠天地意孤曠在花前但有心如水何當酒是年彈碁
聞靜語論古洗清泉他日橋邊路應畱揚子錢

再呈黃宮諭先輩二首

榻冷書分枕扉封水化蟲先生方寤嘯童子見鴻濛有賦
能招隱無居可避風憂心十年事悔不學從戎
但有留窮術深懷馳短鞘直身驅夜鳥鑿石註丹爻鬚髮
辨胡越地天逃窟巢不知飽食者封耳笑康瓠

送喬侍御二首

行部江山好春風草木心聞雷海水立梯葛石橋深世法

龍難捕人言鵠可黔使君有六典霜月在新鐔
隼風寒石室犀氣止風潮但使梟終化莫教人自妖東南
民力盡吳楚戍心驕何日灘邊宿騎魚挂笠瓢

偶然作二首寄李給諫

石田耕未得大雅竟如何削棘安魚背兼山待鳥駝莫須
口似鼻自以泣為歌夏雨誰能變南山風不波
公默先生在鞭龍安所為使狼能學鼠無肉可成糜採栗
松門近聞鳩秋夜疑欲從皇甫靜有道獨嗜癡

別劉宮諭省親

近世鮮如此撻雲漫采藤海門魚負水沙岸月移菱白樸

難爲並鐵榔渡未曾鄉心江上急願乞從風肱
詔聞將母日春草笑人間鳳虎將無似鼠龍誰得刪賜衣
傳內省假竹誦南山但道霍錐靜西清待夜還

贈何光 一作先

折角推先達同時識小秦卿來何所見臣壯不如人液雨
侵夔鼓濠潮化棘榛東溪幸未遠觀海莫辭貧

贈人

三年木寓不成顛何用鋸心學大圓任折短 咎壯 誰
憐白錯配天田蠖山難化終銷骨魚石無多獨飽拳媿我
儒書羞草鶴空聞澗水數飛鳶

送王簡討使雲中

濁泥河外火鉦歇定襄城裏杖鼓發書生羅羈草爲雲關
塞吹蘆山在月明月窺林熊豹泣朔雲入水魚龍立金鈎
四采雜八縫袞衣七章約九襲代馬歸時南風健與子相
望不相及夢捲藤花上石崖手撒凍泥繞馬邑憶昔與子
三年前我入蠶叢君滯燕今我來思歲歷期君復驅騎過
居延吁嗟兩人相後先火洗錯刀石磨電不能一日不相
見况乃千山隔兩面

期劉渙仲見過雨阻不至

閒庭虛鳥跡之子或能來聽草蟲聞雨洗天月滿苔古人

不易得今夕為誰開泥怯莫相為艱難付竹柘
不知身處縻當暑學秋吟自悔將牢甚相逢忍媿深圖書
天地事風雨聖賢心此夜思君遠委眠懷谷陰
非吏亦非隱悠然萬物間野謀當痛哭儒素自堅頑黑夜
水懸樹空牀人在山祇應獨酌後塹與白雲還

三詩清妙之思集
中罕見李祖陶識

示胡吳兩生

舉世勤公調吾儒慎所之但聞制在我勿以法為師漁市
通齊海春田接剡陂憚人今可載學道復何疑
知子年俱少同時佩越符土謠家未遠風聽鬼非愚襟帶

江淮會笙歌日月湖不須遙見憶篤信賴吾徒

別詹侍御

莫辭今夜十千酒好續他時百一篇車馬逢人稽禹貢風
謠隨地入周縣江城直卷東西水湖草平分冷熱田羨爾
同官為勝友挑燈寢說不成眠
南床十日人如玉東觀三年我亦曾正是高宗思舊學何
妨丞叔有真朋豹狼避道諸陵靜石乳懸山眾壑冰却憶
向來長嘯處瓦檠秋雨聽寒蟪

此二詩與前數首俱近唐人先
生之詩格至此一變李祖陶識

送廖嘉州

十年司馬鎮南安今日休歌蜀道難海內盡將蘆化荻故人依舊漫為官荒雲野戍秦時水明月秋聲楊子灘如此雄州不易得山城鉦鼓石盤寒
洞庭木葉晚山楓蠻部逢迎幢戟雄豈有冠冕當石拒但從童叟問蛤窮竹版夔口九千里虎帳礪門下半功回首郭生巖下路扁舟漁火渡江東

別葉侍御

渾水橋邊寺北田行滕東去雨如拳桑村古渡沙移路茅屋人家鳥就烟江左衣冠悲楚澤淮西烽火接秦川更聞羣盜飛廬集欲下潯陽萬里船

蓼花六月滿汀洲菰米初肥雁待秋兵論唯聞章拒在肉謀猶向蟬當求遠峯石落蕪蕪澗曲水風生霹靂溝直道只今懷表聖應知天子重南州

按長洲沈歸愚選明詩別裁評此詩云茅屋句寫盡荒涼不減江燕初歸不見人句第二句雨如拳一作雨連綿第七句飛廬集一作郊原遍揚世儀識

贈何督學

少年持節獨何公五道諸生鄒魯同華谷風泉秋菊後韓山沙樹雨潮中莫言石馬非堅白不信岫夷有拙工明日送君西舍冷誰將濁酒過牆東

秋興

北湖菱雨近漁家烟浦荒荒雁路斜溼馬立沙聞社鼓野
人當戶祠田瓜月明秋韻蒲萄水露下冰盤蛺蝶花悵望
故園溪外渡一聲猿笛冷蒹葭

寂寂平田卧白蒿西風江上黑雲號據牀人似東家 乞
米鄰非北郭騷靜樹霜鐘憎鬼雀濁泥秋水怒虬螭會須
采杞從魚鱉一汎錢塘八月濤

司戶祠前黃草哀 騎未入國書來漢臣獨有和戎策楚
子誰稱執政才半壁天城白海笑三關地市黑山開不知
塞外留犁酒可是當年炤世柁

憶昔先皇全盛時幽風亭畔萬年枝天封草木留西苑石

隱魚龍入北池今日遺弓聞玉化秋山古樹泣笳吹諸公
試向高陵望射獵城頭菊酒悲

疆弩將軍七萬營馬裘金甲耀東征 兒饑飽輕言戰中
國安危慎用兵海鳥自啼狼虎嶺漢雲空渡鳳凰城河西
百里無消息又道青山夜火明

漢家歲歲戍居延新築渾河北斗邊文學未諳鹽鐵論公
卿誰進度支錢高城寒聽菰菽雨戰骨秋枯蒲葦田壯士
不還易水在蓼花深處淚濺濺

前年荆棘滿山川今歲巴人號鬼田鳩掇蟻巢屯影國虎
耕邱貉化狂泉九江雷雨彭城濶百丈戈船樊口眠此夜

遙聞砧上月鐵衣片片落涼烟

胡家村裡草虫急麋子峪邊成婦愁齊國未歸遼左郡燕
山已失海西侯書生文墨成何濟軍使誅求莫肯休聞道
健兒逾十萬北風閒嘯五原秋

八首皆非凡響可與杜陵韻頡李祖陶識

偶然作

梔蘂殊良苦鮒鱖感清濁天地有至仁萬物自憂樂侏儒
容易飽漁父不輕濯性才各有宜豈在問與學軒黃雖云
徂神理匪遼邈不聞鳥及獸歌舞致管箭
樹草莫樹棘棘長不代食養獸莫養虎虎肥不威國豈繫

不國威負山竊鬼力豈繫不食代刺蔓傷心織賢人社稷
衛信之恐弗克農夫慎疏稗鬼神聽正直不患知不早知
之能弗感采葛甯畏秋斫檀先得械聞古之仁人敬哉崇
有德

愛鳳亦愛鴉鳳飛翔千里鴟鴞據高枝小鳥欣所恃夜鳴
呼其曹毀室復啄子雖或在羽族不仁有如此隼鷲未忍
擊鳳兮以為耻朝覆麒麟草夕觀鱗鯨水振羽十二樓秋
風塞蘭芷吁嗟鳳與鴉天下察治否伯夔不可聞砉蒞不
可徙悠悠三千載誰達此微旨

杖也不可薦士也不可賈選人不如物中世不如古刀筆

為公卿汲史羞與伍敵國為弟兄鄭公恥其侮嗚呼彼何人忠信不再睹使蠶能激風使蛭能集雨自非孝友者安問文且武

昔者南安翁茅茨風雨至聞道十五年衣履見仁義獨懷上古情散帙無倫次有子學灌園豆羹力自治前賢既如斯詩書復何事雖不事詩書父子已不媿六經聖人餘學者因為利豈有典與謨徒為四凶地家廢檀弓禮鬼泣蒼韻字焚經經乃存此言良不易

送劉晉卿趙景之太史

考證明史劉應秋傳子同升字晉卿崇禎十年殿試第一授翰林修撰楊嗣昌奪情入閣何楷林蘭友黃道周言之俱獲罪同升抗疏帝大怒謫福建按察司

知事移疾歸國變與楊廷麟謀興復卒於贛蘇州府志趙士春字景之及第第三授編修楊嗣昌奪情入閣士春上疏曰人才所以不振由愛功名薄忠孝致之臣祖用賢首論故相奪情幾斃杖下賸敗肉示子孫臣敢背家學負明主坐視綱常掃地哉帝怒謫廣東布政司照磨祖孫並以攻執政奪情斥去士論重之

高風傳四諫當世見斯人抗疏存家學臨文憶舊臣昔賢均出處吾道繫亨屯他日匡山下遲君莫問津

正是懷歸日看人上客船寒天北鳥勢明月海門烟聞石秋衣外滯家霜菊邊無將酒寄世從此學忘年海上風波少鷗心不亂羣黃魚飽客飯白眼待花醺雨壯盧焦石潮迷葉壁雲當時封事在威武至今聞

行止成吾是君親此日尊讀書真有得辟地已無喧近岸
聞吳橘移山到越門亦知撥火後相戒勿多言
共直承明久憐予獨厚顏奇才勞聖主高策重奴蠻水驛
江魚市柴村夜虎關岫雲閒未得鹿吏笑三山

零陵行

湘水盤三關蠻山接九疑自古稱難治前賢重不移况復
羣寇熾西南繫安危嘯阻諸原險荒巢百越馳十年二月
始祁陽無子遺今歲東安潰溼捐驅女兒血畦肥楚棘野
火號豹羆十室九無存草盡不免饑軍符下州將未鼓先
已衰鎖卒天下健醉飽卧障障虎氣臨郡縣鼠心赴車綬

吁嗟乎將吏羣寇何能施鑄鐵不鑄刀驕人自亂之帝曰
予禦侮安之此其時汝惟觀察使廉立眾則知以斯惠南
國命吏起瘡痍大夫既受止拜稽前致辭臣聞諸昔者治
亂如治絲振敵不在勇所慎在有司恭惟萬與晏日今之
熊羆平生忠孝性先憂不及私兵者刑之大威乃神所為
斯人文且武學道義而奇天子謂汝往知人念在茲吾觀
彼楊子勞拙猶可追又云涪溪側粲粲令人思大才典劇
地高山懷古儀虛蕭藏風雨深廣走蛇螭安得數公輩賢
於十萬師冥思虞夏理有道守四夷

贈林侍御謫湖上兼簡何都給事

考證明史林蘭友
字翰荃仙游人崇

禎四年進士官南京御史因論嗣昌忠孝兩虧貶
浙江按察司照磨與何楷黃道周劉同升趙士春
稱長安五諫遷光祿署丞京師陷薙髮自匿南還
唐王用為太僕少卿遷僉都御史事敗挈家遁海
隅十餘年卒何楷字元子漳洲鎮海衛人天啟
五年進士崇禎時官至工部給事中因劾嗣昌
奪情入閣忤旨貶為南京國士監丞母憂歸服闋
赴召入京而都城已陷福王擢為戶部右侍郎南
都破從唐王入閩擢戶部尚書漳州破楷遂抑鬱
而死

路川向南注黃河直北流相逢不相異歸潔滄海秋丈夫
事明王道義復何求一言振忠孝狐鼠畏晝遊古人恥不
與今人執若仇蜉蝣雖楚楚朝夕莫能謀真隱豈在山仙
人豈在樓五城雷雨壯九礫石龍浮醉歌環水畔無忘江
湖憂

呈黃宮詹先輩

豈為遺名傲潁陽欲將尺木挂扶桑邱陵鬱確歌梁甫山
海荒唐廢鵠鶴聖主如臣何處得今人見此乃真狂自從
三折鐵搗後靜坐春風薜荔牆
曾聞大隗具茨無獨注三千渾沌圖宰相由來不讀易諸
君何事欲逃儒火田種黍鷄鳴樹竹嶼驅泉水灌厨剩有
探懷日月在藜床苔雨浸蘘蕪
葛衣蒲屨負葵葢手勒洪崖第幾層江上雨來山望鳥洞
門秋閉草懸冰卷簾不到烏蛙怒隱几從教狼鷺憎東去
若尋陶令宅荒茫水氣接漁燈

五月官除七上書幾回焚草獨愁予營州降將驕麋溘渤
海王鬪狗車肯使辱金終鑄錯何須視肉漫憐餘漢庭
一語公卿愧不負同時讀子虛

警急

九月秋高鎮營薊門半夜鐵戈驚南牙月暗俳歌好北
塞霜飛石鼓鳴楛矢狂迷魚子塚毳裘遠傍狐城安能
上策推張仲不數中興鄧禹名

征塗

漢王甘泉苜蓿頭馮唐未老不堪愁千年耕戰成何底一
路金繒奈可憂雄鎮齊呼左僕射宅兒空屬大長秋莫言

天下才如許皇甫猶能傲六州

此詩第五句指盧象昇第六句指高起潛結句則公以自況也李祖陶識

次晉州

寒驅肥子國火焮鮮虞城魚麗開山面鷄鳴亂水聲儒書
燠土榻服試羊羹幕府稱狂客榻逢魏偉卿

再渡滹沱河

駟鐵紛紜渡鼓城西來諸水盡東行自題漢後將軍樹不
見當年君子營河上風旗魚鳥出雪中夜獵磧沙明鎮州
自古稱雄險謾說山前北府兵

元日

鐵馬西南徧登樓感歲除關河一極目城郭半荒墟幾處
思廉老同人媿喻檇暫時春日好無復徙民書
古來百戰地此閣至今傳山自河東路佛知開寶年淒涼
聽馬石槍攘種秫田多難身猶寄傷心漳水邊

立春

高閣聞鐘山在門家家伐鼓土牛喧人從亂後衣冠賤春
就軍中草木寃新市城西流水曲滋溪河北讀書村遙知
渤海徵兵急順節三千半吐渾

悲鉅鹿

崇正十有一年十二月盧大司馬以陽和朔西之

師遇 賈莊己亥獲馘殊眾生擒 首一人明日

庚子 數萬麋至日中司馬死之余哀其事爲作

是詩

季冬王師臨絕谷蒿水橋邊烏啄肉衛佐猶傳捉生手縛
取名 馳馬簏歲星夜半犯東轅羣 虜策穿林宿木羽
飛山晝氣昏日中未食我師覆尚書自鬪落雕兒奮呼皆
怒聲達日自言丈夫生不封侯死不辱握刀袒甲上下逐
血染涓巾四鏃立死君傍者一掌牧書生獨死武臣存羸
得將軍從楊僕上谷諸騎喘未定半學 語入人屋遼兵
南屯五十里謝使退舍如鼠伏噫嗟義軍忍饑搏飽狼十

日不得呼麥麴一炬焦土忠人心猛士八千什亡六葦沙
風化魂未歸賈莊夜夜新鬼哭吾聞宣王中興年內有張
仲外方叔他時聖主思李齊安能一日忘鉅鹿

塗嘆

爲有淵源在蒼生奈汝何山兵鴉鶻冷鴈戶駱駝多風倦
沙容樹春深馬畏河遼西諸將入揮淚且長歌
不敢愛吾軀短衣聊荷芟漢皇方好武文吏悔稱儒三輔
新開府羣公舊擊如何十萬眾忍耻待龍屠
薊北三城戍江南五月書諸侯憂粟幣羣小嘆梟醜吾道
干戈際人家木石餘隴西多猛士何日繫南閭

飛將今安在春風獵棘城公卿多野戰驃騎慎佳兵編葦
潮初落削松馬夜鳴人方內牧憂國賴諸僮

病後作

詩書從所好牛馬任人呼白詆蘆花岸青蠲石版艫不
何涉病共笑狄山愚寄語蛇溪今在樟樹鎮水逃名已得活
任物忘狙喜貪山聽虎苛大都荒飽易何用說楛多殿直
分三等朝廷議十科獨憐匏落者歸卧石門蓑

馬上口號

部分南北驅三衛山斷華入兩河春水馬肥魚子長石
崖鬼厭鳥聲多

漫許衡融稱俊傑纔輸衛霍媿人奴峯前番落燒羊甲笑
展唐家王會圖
遼左菰蘆渡黑山殿前番漢進崇班可憐絕谷村邊水血
化濂冰春不還
春入葦吹楊柳潮月明花凍鴉鴻橋內家見說王孫去願
逐東風侍玉簫
營州賽鼓醉屠酥聞道河西接海嶠少婦笑啼容易錯莫
將心事問神巫
細腰疊角送明駝帳底葫蘆蹙小娥學得笳吹翻漢字不
教白鴈聽歌

山東三章章五句

山東老將北防燕三百八十傍灤川青牛良馬委草眠鞭
箭會矛絲來好何事斨石據銀韉
大小水寒飛鳥靜東西林竭石白冷安能勒柱野狐嶺火
種河田卧狍躡直將北斗迴南影
狼居峯頭皂尾竿鬼子夜號十八盤可憐死後骨已寒憎
逢軍充官賞無頭亦好向誰看

高荒

高荒日月蕩飛鳥不敢下在昔霸王城終來東北馬山鬼
親獸面水草泣春社但聽流人心欲言淚如瀉

夜再過藁城追憶前事

考證藁城在真定府東南北有滹沱河又有滋河

肥曩城北連 壁毅州諸騎夜馳鈴遠山莽火桃蘆曲冰
瓦寒煙牛馬形風聽鐵衣愁短樹霜炊草屋望明星凍雨
觸手心先折黑徑荒村驚外局

雨雪治兵

有跋

龍江百里剪枯蒿灤水千屯猛獸嗥天子馳金勞馬服大
夫仗劍誓牛臯曳柴燃草依雲翼木挺毳衣垂虎弢或有
強人聞代朔更兼年少數臨洮鐵林節鼓聽鈴荻嶺雪粘
天洗孟勞絳柏晝寒雷雨化春山地鬪豹狼號祇今龜口
走銀鷗復道會州飛桔槔東峪火連西峪動南河石立北

河高荀吳崇卒終強晉卻毅謀軍始定曹漢戍干戈齊日
月津門楊柳壯風濤中原長技繇來久東海小魚何足豪
夫九變察功六形象物昔人所慨厥匪塗繩故大鹵駭
於中行幽州杖乎孝勗制四得五徒傳內史之書策十
為三乃著雄武之號處於今世議彼良楛雖覆武靈再
睹豈云廢車徒而申騎逐乎爰賦是篇以誌所事後之
起者或有感焉伯祥自識

建昌營雪夜示張僉事

二月城邊雪橫河草尙殘皮車何日靜水樹向關寒火溼
都山夜魚來石子灘不聞漢物貴諸部盡呼韓

握槊非吾事從君問鈇彈 兒麋酒熟軍吏帶裘寬國法
苛三勇誰人噫五寒石門今夜月猶作海雲看

太平寨

三月辛酉大雨雷壬戌曹將軍奏捷

風雨跳騰赤白分橫山半夜豹裘分貴人抱馬聽齊語
聞雷望海氛西嶺營前三部落南平壘下五將軍未知
千里鷄林塞追逐猶傳走虎雲

青山營

漸石中流灤水閒雄邊數萬接西山虎犀七萃班秦晉馬
鼠三馳罷海蠻漢火猶通秋樹嶺春風空閉鐵門關遼人

歌舞南人泣諸道何時勒石還

建昌路

東來濛雨問津難馬背魚囊雪可餐都尉誰徵肅慎矢野
人漫效方山冠青城鐵石蹲狼穴溟海星辰過鹿灘今日
何須阿骨打漢家未肯塞泥丸

薊門

洮州年少戍漁陽十二門城北斗傍濟上今無左庶長海
東舊有石賢王百年古木牛羊盡半塔蠻燈風雨荒社稷
安危公等在無將酒繼豢豺狼

從軍行

有序

昔有從軍樂曰威雌賞聽不如其勿樂也昔之人則憂之哀樂異辭得十四首

今日桑乾河明日鹿鳴澤啞啞新城烏飽飛目盡赤宿草望冰麋并命朝及夕壯歲爲主人薄身安所惜

騎晝夜趨趙地無完郭將軍擁宅兒索酒聽歌飲無能聊自慰非爲窮日娛賴有降羌在躍馬向前驅

且起赴河梁萬屯立如植誓將死報君左右淚盈臆芻餼中道絕追奔窮羨力三軍未傳餐日昃不敢食溢肥者誰子高義方偃息

飲馬滹沱水寒光蕩不定日出炤霜霤駭獸衝仄徑懼滋

恒得饑乘冰安葦緬野老哭城南中夜難獨醒

用衆用其鋒議久生疑畏申期云有待嘗恐衆口誹戍徒

日以驕大將日以貴僕夫怒難言拂劍獨長愾

善守不在邊善戰不在多維古之謀人其言不可磨壯心

逢白石剖血下濁河偷生無後誅死敵復如何

入水莫射魚上山莫搏虎食人大路傍閒手弄風雨哀哀

寡人妻刺裳未云苦袖刃當門立一怒成焦土生男不好

武不如生逢

征人易爲哀春深雪滿山沙城五百里去鳥終不還十年

養戰士三歲歷高班 雛髮未齊搖鞭出漢關

運有盛衰不關治與亂燕趙多慷慨敢死聞里閭揮戎
遼海上兵氣溼河漢國恥不可宿今人棄如灌

走馬鬪平沙黃雲四面寒山前不見日風塗開豹竿曲身
棘莽間心力盡危鞍聞鴈落霜聲壯士未忍看嗟彼各爲
心引日幸苟安而我懷惻惻悲激非一端自甘生死易豈
信行路難

候騎中宵動潛兵過北城蕭蕭時有聞深村夜數驚野火
號巖風宿鳥飛且鳴頽垣傍銅斗滑泥費馬聲斷指不知
懟義重意氣輕請君勿復嘆豈爲功與名

石門何盤盤沐雨見星辰征夫不遑寢行行忘艱辛山高

明月靜野火號新燐林深不辨路部曲且自親流水潛冰
底楊柳難爲春慎語隴洮士憂國莫憂身逐 長城下成
功歸一人

片片明光甲虎刀坐廣驪曠目視邊吏自矜羽林兒羽林
多雜種寵恃眾所推殺人不敢問但云王將知談笑戲捕
至問爲誰仰天開鐵面游矢已中眉失道馳還壁百

步三失綏歸來上幕府論功志氣施

王師昔何銳北出會州東老婦來良馬大人懷貂弓荒涼
狐兔路今古山川中遐望雲不盡萬樹變悲風戰勝在廟
堂一劍何足雄

諸詩視杜工部前後出塞何如恐代人言者不如
自言其事之歷歷也李祖陶識

古閨怨二首

長相思空城火嘯人語寂戍樓鼓溼吹鐵燧夜深挑燈不
成眠馬草覆衣霜壓甃行人此時淚如雨一枕鷄聲兩地
苦歷歷窗前鼠心怯啞啞枝上烏肉腐吁嗟東望恒山山
盡頭朔風背立僕夫愁不知今夜有夢成何許但聞角聲
泣寒杵

朝見草聞風夕聽潮生月青龍河邊魚駭碣石子關頭山
洗骨可憐深閨多病身百里見雲不見人床前怨抱丁香
雨夢後心歸楊柳津桑乾之水向東流我知卿在卿知否

阿母啼時阿嬌笑誰解春風處處愁去年雪滿邯鄲路今
年花飛韓家樹馬帶鐵齒冰橋征夫披裘春已暮

清江楊忠節公遺集三卷終

